

放光摩訶般若波羅蜜經卷第六 菜六

西晉三藏無羅叉共竺叔蘭譯

治地品第二十一

佛告須菩提如汝所問菩薩摩訶薩摩訶僧那僧涅摩訶衍三跋致者菩薩行六波羅蜜過從一地至一地云何菩薩過從一地至一

地以諸法無所過法無來者亦無去者亦無有過亦無不過諸法亦無有壞亦不貢高亦不念但治住地事亦不見地何等菩薩爲治地事始從第一地住當行十事何等爲十一者先當淨於三垢亦無所倚二者所作施與不自爲身所念無何爲一切衆生淨於四等心亦不有衆生三者爲布施不有所與不有受者四者當與善知識從事亦不貢高五者欲得爲法不有一切法六者欲爲出家不有愛欲七者欲爲佛身不有相好八者欲爲分流法教終不壞法九者常欲滅於虜邑自用不有法財十者欲爲諦說不有言教故須菩

提是始地菩薩當爲是十事須菩提菩薩摩訶薩於二地中當念八法亦當成之何等爲八一者當淨其戒二者常念報恩三者住於忍辱四者得歡喜意五者不捨一切六者大慈爲始七者恭於師尊敬事篤信八者於諸波羅蜜如奉世尊常欲崇習須菩提菩薩

摩訶薩於二地中當具足是八法復次須菩提菩薩於三地中當住於五法何等爲五一者多學問無厭足二者不入字法分布法施亦不貢高三者淨佛國土四者施於善本而不貢高五者住於羞耻慚愧之地須菩提是爲菩薩於三地中住於五法須菩提菩薩於四地中當不捨奉行十事法一者不捨宴坐二者少欲三者知足四者不捨沙門十二法行五者不捨於戒六者見欲汙穢七者於起意如泥洹八者不惜身所有九者無有懈慢十者不慕所有須菩提是爲菩薩於四地中當奉行十事而不捨離須菩提菩薩於五地

卷六

放光般若波羅蜜經

中當離八法何等爲八一者當遠離家業二者當遠離比丘尼三者善於切德遠離嫉妬四者遠離卅會五者遠離忿諍六者遠離闡証七者遠離高住八者遠離羣人須菩提是爲菩薩住五地中遠離八事須菩提菩薩於六住地當具足六法何等爲六所謂六波羅蜜復有六事所不應爲何等爲六一者不爲聲聞意二者不爲辟支佛意三者不爲小意四者見有所索者遠離有狀足意五者所有好物施與之後遠離悔意六者遠離吾我想法須菩提是爲菩薩於六住中當具足六度遠離六事須菩提菩薩於七住地有二十事所不當爲何等二十有吾我有衆生有壽有命想有斷有常有念想有種想入陰入性入衆欲生三界不入依佛見不入依法見不入依僧見不入依戒不入空不入無相不入無願不入道是爲二十事所不當爲當復具足二十事何等爲二十覺空無相證不願慧淨身

口意慈悲一切衆生亦不念有衆生等視諸法雖尔無所入欲爲導御亦不貢高無所生忍一道教化斷諸分別轉於想轉於見轉於滅始見慧地自調意慧無所礙不染於欲事須菩提是爲菩薩摩訶薩於七住行地當具足是二十法復次須菩提菩薩當復於八住地具足四法何等爲四以神通爲遊觀入於衆生之意到諸佛國觀其奇特當自莊嚴其佛國土往見禮敬供養諸佛如其實觀佛身當具足是四法復次須菩提菩薩摩訶薩於八住地當復具足四法何等四法以智具足諸根淨佛國土常坐如幻三昧知其衆生本卷六
三所作功德所應得者各隨其所而成就之須菩提菩薩於八住地具足四法復次須菩提菩薩摩訶薩於九住地當具足十二法何等爲十二持無限廣大之願隨所應各授其證天龍閱義捷陀羅悉皆具足知其音聲以辯才教授所因胞胎成就居家成就父母成

就種性成就宗親成就得生成就出家成就
莊嚴佛樹成就諸善功德成就湏菩提菩薩
摩訶薩九住地當成就十二法須菩提十住
菩薩摩訶薩當名之爲如來湏菩提白佛言
世尊何等爲菩薩淨其所有佛言所作衆善
應菩薩云若意是爲菩薩淨其所有何等爲菩

薩等於衆生佛言淨於四等心等於衆生何
等爲菩薩施於所有佛言施與衆生而不分
別何等爲菩薩當與善知識從事佛言教人
入薩云若勤修勸助當與是人共從事恭敬
師受是爲菩薩善知識何等爲菩薩欲得爲
法佛言所行法但求薩云若法不墮羅漢辟
支佛地是何等爲菩薩常欲出家爲道佛言
在所生處常欲作沙門無能中道爲作礙者
初不忘失去家之事何等爲意願佛身相佛
言若見佛形像意常在佛至得薩云若未曾
有離時何等爲分流法化佛言若佛在世若
般泥洹後菩薩持十二部經教授上教亦真

中教亦真竟教亦真本末義解具足清淨何
等爲菩薩不虧毫自用佛言從滅恚怒以來
初不復墮下賤之處何等爲菩薩所說如諦
佛言如口所說言行相應是爲菩薩十法事
行湏菩提白佛言何等爲菩薩淨戒佛言不
念羅漢辟支佛意及餘惡戒誹謗道者是爲
淨戒云何菩薩報恩念恩佛言行菩薩道者
小恩尚不忘何況於大者是爲念恩云何菩
薩立忍辱力佛言於諸衆生無侵無恚是爲
忍力云何菩薩得歡喜樂佛言教授衆生以
是爲樂云何菩薩不捨衆生佛言欲救一切
故云何菩薩而有大悲佛言菩薩心念我當
第十六
爲一一衆生故在地獄中恒邊沙劫代受勤
苦一一衆生皆得佛道今般泥洹以是歡樂
是爲大悲云何菩薩順尊師父於信恭敬佛
言事於師父如世尊想云何菩薩欲習諸波
羅蜜佛言遠離餘事但求諸波羅蜜何謂菩
薩多學無厭佛言諸十方佛世尊所說盡當

受持是爲無厭何謂菩薩持無所希望法施分布佛意持所法施不希望道何況其餘何謂菩薩淨佛國土佛言爲諸善本種種功德持是功德淨佛國土何爲菩薩生死無量阿僧祇劫不以爲限佛言以諸功德備具持是育養衆生淨佛國土至具足薩云若不厭不解何謂菩薩立於慙愧佛言耻於羅漢辟支佛意何等爲菩薩不捨宴坐佛言諸羅漢辟支佛所不能及是爲菩薩不捨宴坐何謂菩薩少於所欲佛言菩薩道尚不欲何況餘欲何謂菩薩而自知是佛言得薩云若是爲知足何謂菩薩不捨沙門頭陀德行佛言入深法忍者是何謂菩薩不捨於戒佛言菩薩不復用戒是爲不捨於戒何謂菩薩汙穢色欲佛言於姪妬無所生何謂菩薩意與泥洹等佛言菩薩不有一切諸法何謂菩薩棄捨所有佛言不受内外所有是爲棄捨何謂菩薩不厭不解佛言不生二識之處是爲不厭何

卷

放光大

五

謂菩薩於諸所有無所戀慕佛言於諸物無念故須菩提白佛言何等爲菩薩遠離居業裝是爲遠離家業何謂菩薩遠離比丘尼衆佛言彈指之頌不與共止彈指之頌不得生意是爲菩薩離比丘尼何謂菩薩離於妬嫉佛言菩薩當作是念我當安隱衆生不宜生嫉何謂菩薩離於聚會佛言菩薩所住聚會若有羅漢辟支佛意者常遠離之何謂菩薩遠離瞋恚佛言不令恚害鬪諍得其便云何菩薩遠離自譽佛言內法不可得見故云何菩薩遠離告謗他人佛言亦不見外法故何謂菩薩遠離十惡佛言此十惡事當欲壞於賢聖之道何況佛道而不遠離是故當遠離十惡何謂菩薩遠離懶慢佛言不見有法可貢高者是爲離於儼慢何謂菩薩遠離自用佛言尚不見有形當於何所而行自用何等爲菩薩遠離顛倒佛言以形不可得見故云

何菩薩離婬怒癡佛言不復見婬怒癡形故云何菩薩在於六住具足六波羅蜜佛言住於六波羅蜜諸佛世尊及聲聞辟支佛所可度彼岸是爲菩薩具足六波羅蜜云何菩薩不爲聲聞意佛言以聲聞事非平等道故不爲小意何以故亦非平等道故云何不厭厭者亦非平等道故棄捨不悔悔者非平等道初發意者便當施與亦不當惜云何菩薩不當作吾我想從本際以來不可見故乃至衆生有壽命想從本以來亦不可見故云何菩薩不斷所生見以見諸法無能斷截從有本以來無所生故云何菩薩不爲常見見法所不生者亦無有常故云何菩薩不作念想以無有垢故云何菩薩不作種想以諸見不可得見故云何菩薩不入名色不見有形故云何菩薩不入五陰亦不入性亦不入衆其實不可得見故云何菩薩不入三界以三界亦無真故云何菩薩不作住處亦不與虛空作

卷

放光六

期無所依怙何以故無有形像故云何菩薩不入佛見不從所依得見佛故云何菩薩不與空諍一切法空空不與空諍故云何菩薩具足於空其欲具足相者是爲具足空云何菩薩得無相證不念於諸相故云何菩薩得無願智不著三界故云何菩薩淨於三事具足十善故云何菩薩以慧具足哀念衆生以大悲利之故云何菩薩無衆生念欲淨佛國故云何菩薩等觀諸法以不高下諸法故云何菩薩得於道覺隨諸法所覺而度脫之故云何菩薩得無所生忍得諸法所有無生無滅無所忍故云何菩薩得無所生慧知名色無所起故云何菩薩得一道之教無有二教故云何菩薩滅諸分別於諸法無所分部故云何菩薩不修轉見以不轉求羅漢辟支佛意故云何菩薩轉於垢濁滅諸所習漏故云何菩薩得滅諸垢而得清淨所謂薩云若慧是云何菩薩而自調意不厭三界故云何菩

薩而得滅意制六根故云何菩薩慧無有礙謂得佛眼故云何菩薩知情欲不堅固觀六衰故云何菩薩能入衆生意持一意悉知衆生所念故云何菩薩遊於神通從一佛國至一佛國初無有佛國想故云何菩薩得佛國觀於是國住遍見諸佛國亦無佛國想故云第七
第六何菩薩隨其所見諸佛國土自成其國住於遍地越羅地遊諸三千大千國土故云何菩薩奉見諸佛以見法故是爲見佛云何菩薩以真見佛身建法性故是爲真見云何菩薩以智具足力已住世尊十力之地便能具足衆生力故云何菩薩能淨佛國能淨衆生故云何菩薩如幻三昧所作隨所應無有動轉故云何菩薩常住三昧已得報應故云何菩薩入諸功德隨其道法而度脫之故云何菩薩不復思議能自成立教授一切故云何菩薩所願諸偶具足行六波羅蜜是故諧偶云何菩薩知諸天龍鬼神所知所言以辯才慧無

所不了故云何菩薩得胞胎成就在所生常化生故云何菩薩居家成就生於豪貴家故云何菩薩父母成就得生刹利婆羅門家故云何菩薩種姓成就得繼過去諸菩薩種故云何菩薩宗親成就以衆菩薩爲眷屬故云何菩薩得生成就生時光明普遍無量國土震動無量國土故云何菩薩出家成就菩薩出家時安諸無央數百千衆生滿具足是三乘之願故云何菩薩莊嚴佛樹以黃金爲樹七寶爲枝葉其枝葉光明悉遍照十方無央數刹土是爲佛樹成就云何菩薩諸善功德成就菩薩摩訶薩淨佛土淨衆生是爲成就淨諸功德也云何十住菩薩名爲如來用具足六波羅蜜諸習緒盡得佛十八法具足薩云若慧須菩提是故菩薩摩訶薩已得十住名爲如來云何菩薩已住十地佛告須菩提菩薩摩訶薩漚和拘舍羅行六波羅蜜乃至三十七品行十八法過滅淨地種性地八地

見地薄地滅姪怒癡地已作地辟支佛地菩薩地須菩提菩薩摩訶薩過是九地便住佛地須菩提是爲菩薩摩訶薩十住之地當知是爲菩薩摩訶薩摩訶衍三跋致

放光六
放光摩訶般若波羅蜜經問出衍品第二十二
佛告須菩提汝所問菩薩摩訶薩從何所出

放光六
衍中當住何所者今當說之佛言當出三界隨薩云若住而無所倚何以故摩訶衍與薩云若是法共等亦不別亦不同亦無形亦非見亦非礙一相一相者所謂無相何以故須菩提無相之法亦不出亦非不出須菩提若無相法出者法性亦當復出不生假令無相

空何以故色空者亦不出三界亦不住薩云若痛想行識空亦余何以故須菩提色色自空痛想行識識自空欲出生無相法者爲欲出眼空爲欲出生意空欲出生無相法者爲欲出六衰及十二因緣空何以故六衰空者亦不出三界亦不住薩云若欲出生無相法者爲欲出生夢幻焰響光影欲出生無相法者爲欲出生如來之所作化何以故夢幻焰響光影及如來所化亦不出三界亦不住薩云若何以故夢以夢事空焰事幻事響光事影事乃至如來所化事皆自空欲出生無相法者爲欲出生檀波羅蜜欲出生無相法者爲欲出生尸波羅蜜毘波羅蜜惟遠波羅蜜禪波羅蜜欲出生無相法者爲欲出生般若波羅蜜何以故須菩提六波羅蜜事亦不出三界亦不住薩云若何以故六波羅蜜六波羅蜜空故欲出生無相法者爲欲出生内外空欲出生無相法者爲欲出生滅盡之躰欲出生無相法者爲欲出生色空痛想行識

須菩提内外空事至有無空事自空亦不出三界亦不住薩云若何以故内外空空乃至有無空空欲出生無相法者爲欲出生四意止四意斷四神足五根五力七覺意八正行欲出生無相法者爲欲出生十八法欲出生無相法者爲欲出生羅漢辟支佛上至如來等正覺也何以故羅漢辟支佛事上至佛亦不出三界亦不住薩云若何以故羅漢羅漢事空辟支佛辟支佛事空佛佛事空欲出生無相法者爲欲出生湧陀洹果斯陀含果阿那含果阿羅漢果辟支佛果佛果欲出生無相法者爲欲出生薩云若欲出生無相法者爲欲出生名相欲出生行者爲欲出生設法教數何以故須菩提名空及設教法行空空何以故名空空故欲出生無相法者爲欲出生無所生無所滅無所著無所斷無所有以是故須菩提摩訶衍從三界出住薩云若不動處須菩提汝所問衍住何所佛言衍無所

住何以故如諸法亦無所住衍所住如無所住辟如法性亦不住亦不不住衍者不住亦不不住無所生亦不住亦不不住不生不滅不著不斷無所有亦不住亦不不住衍亦如是何以故法性事亦不住亦不不住法性事自空故乃至無所有無所有亦自空須菩提衍無所住何以故諸法無所住而住而不動如須菩提所問誰當出行者無有從衍中出者何以故須菩提所可出者及衍不當出者亦無所有是亦不可見諸法亦不可見當從何法出何以故吾我不可見故乃至壽命知見之事從本至竟淨從我人至知見及法性見十六

不可見如亦不可見真際亦不可見至竟淨不可思議性陰裏不可見六波羅蜜亦不可見至竟淨內外空至有無空亦不可見至竟淨三十七品佛十八法亦不可見至竟淨從須陀洹至羅漢辟支佛上至佛亦不可見至竟淨從須陀洹道至羅漢辟支佛道上至阿

釋多羅三耶三菩亦不可見至竟淨不生不滅不著不斷無所有不可見至竟淨過去當來今現在亦無所有至竟淨去住從此至彼亦無所有至竟淨增減亦不可見至竟淨阿誰不生而不可見法性不生不可見何以故法性亦不可見亦不可見如不可見無所

見空真際至般若波羅蜜無所有不可見內外空至有無空亦無所見亦不可得三十七品及十八法無所有不可見從須陀洹至佛無所有不可見從須陀洹道至佛道阿彌多羅三耶三菩無所有不可見無所生不可見至無所有從無所有無所有不可見何以故湏菩提無所有不可見初住地亦不可見至十住地無所有不可見無所有不可見至竟常淨何等爲初住地減淨地種性地第八地見地薄地除垢地所作已作地辟支佛地菩薩地佛地於內外空亦不見初地不可見至內外空有無空無所有第二住地第三第四

第五第六第七第八第九乃至第十從內外空有無空至第十住亦不可見何以故湏菩提從一住至十住亦無所有亦不可見至竟淨內外空至有無空衆生淨無所有至竟淨內外空有無空五眼無所有至竟淨湏菩提如是菩薩摩訶薩以無所倚事令諸法以摩訶衍出生薩云若

放光摩訶般若波羅蜜經卷第六 菜六

都勸緣大檀越成忠郎趙 安國

放光般若波羅蜜經卷第七

西晉三藏無羅叉共竺叔蘭譯

菜七

衍與空等品第二十四

佛告湏菩提如汝所言衍與空等如是如是實與空等辭如虛空亦不可知東亦不知西亦不知南亦不知北亦不知四維上下湏菩

十一

放光般若波羅蜜經

廿

第十三冊

公